



ԵՐԵՎԱՆԻ  
ԶԱՂԱԶԱՊԵՏԱՐԱՆ

# ԱՐԱԲԿԻՐ ՎԱՐՉԱԿԱՆ ՇՐՋԱՆ

2017  
ՏԱՐԵԿԱՆ  
ՀԱՇՎԵՏՎՈՒԹՅՈՒՆ





### Սիրելի համաքաղաքացիներ,

Երևանի քաղաքապետարանն ամփոփում է աշխատանքային տարին արդեն ավանդական դարձած տարեկան հաշվետվությունների թողարկմամբ: Լիաժողովում, որ դուք կթերթեք հաշվետվության էջերը և կծանոթանաք անցած տարվա ընթացքում Ձեր վարչական շրջանում կատարված աշխատանքներին: Ուրախությամբ

եմ արձանագրում, որ Երևան քաղաքի բոլոր վարչական շրջաններում մեծածավալ աշխատանքներ են իրականացվել, և տարեվերջին կարող ենք վստահ ասել, որ ձեռքբերումների շարքը ոգևորիչ է: Պետք է նշեմ, որ այդ գործում իրենց զգալի լուծման հավասարապես ներդրել են ինչպես մեր բնակիչները, այնպես էլ վարչական շրջանների ղեկավարները:

Վստահ եմ, որ առկա որակական փոփոխությունները՝ բարեկարգված բակային տարածքները, կառուցված խաղահրապարակները, ավելացած կանաչապատ տարածքները, բարեկարգ ու լուսավոր մայթերն ու փողոցները իրենց անմիջական ազդեցությունն են ունենալու Երևանի յուրաքանչյուր բնակչի կյանքի որակի և ընդհանուր քաղաքային միջավայրի դրական փոփոխության տեսանկյունից:

Վստահ եմ նաև, որ այն տեսանելի արդյունքը, որ արձանագրել ենք հարմարավետ քաղաքային միջավայր ստանալու գործում, լինելու է յուրաքանչյուրիս հոգատար վերաբերմունքի ու հոգածության առարկան, ինչն էլ թույլ է տալու իրականացնել նոր ծրագրեր՝ մեր մայրաքաղաքի և նրա վարչական շրջանների զարգացումը դեպի երկրաժամկետ հեռանկար ուղղորդելու նպատակով:

**Տարոն Մարգարյան**  
Երևանի քաղաքապետ



### Նարգելի արաբկիրցիներ,

2017 թվականի ընթացքում Արաբկիրում իրականացված ծրագրերի արդյունքում ունենք զգալի ձեռքբերումներ: Կատարված աշխատանքների ծավալը ներկայացվում է այս հաշվետվությամբ:

Գոհունակությամբ եմ նշում, որ Արաբկիրում ձևավորվել են կայուն ավանդույթներ, և արաբկիրցին դրանց հպարտ կրողն է: Որպես վարչական շրջանի ղեկավար, իմ խորին շնորհակալությունն եմ հայտնում բոլոր արաբկիրցիներին: Սեփական տան հանդեպ Ձեր սրտացավ վերաբերմունքի ու համագործակցային լինելու շնորհիվ է, որ մեր վարչական շրջանն ունի բարի համբավ ու յուրահատուկ գրավչություն, իսկ նրա անունը երբեմն նույնացվում է սրտաբացության, բարեկրթության և բարիդրացիության հետ:

Ինչպես մինչև այժմ, այնպես էլ հետագայում մեր առաջնահերթությունների մասն են կազմելու սոցիալական, մշակութային, կրթական և ենթակառուցվածքային հարցերը: Արաբկիրում պետք է ստեղծված լինեն արժանապատիվ ու հարմարավետ կյանքի պայմաններ, և մշակվող ու իրականացվող բոլոր ծրագրերը պետք է ծառայեն միմյանց այդ նպատակին:

Արաբկիր վարչական շրջանի ղեկավար  
Շովհաննես Վարդանյան

# ՇԻՆԱՐԱՐՈՒԹՅՈՒՆ ԵՎ ԲԱՐԵԿԱՐԳՄԱՆ ԱՇԽԱՏԱՆՔՆԵՐ


2017 թ. Արաբկիր վարչական շրջանում իրականացվել են ասֆալտապատման, եզրաքարերի փոխարինման, սալիկապատման, թեքահարթակների կառուցման ու վերանորոգման և այլ տիպի աշխատանքներ:

- ✓ Ասֆալտապատման աշխատանքներ՝ շուրջ **55000** քմ ընդհանուր մակերեսով, որից **65** փողոցներ՝ շուրջ **35000** քմ, 82 բակային տարածքներ և մայրեր՝ շուրջ **20000** քմ:
- ✓ Եզրաքարերի նորով փոխարինման և վերանորոգման աշխատանքներ՝ **575** գծմ:
- ✓ Վերանորոգվել և կառուցվել են **40** թեքահարթակներ:
- ✓ Մայրերի, պուրակների սալիկապատումն ընդգրկել է **1515** քմ տարածք:

Վերանորոգման աշխատանքներ են իրականացվել Վ.Դավթյանի անվան զբոսայգում և այգին Հյուսիսային Ճառագայթին միացնող ստորգետնյա անցումում: Հիմնանորոգվել են Միեր Մկրտչյանի անվան հրապարակի ցայտաղբյուրները և բարեկարգվել է հարակից տարածքը:

Մասնավորի հետ համագործակցաբար իրականացվել է ներդրումային ծրագիր, որի արդյունքում «Արաբկիր» զբոսայգում կառուցվել է թռչող գիծ (գիփլայն): Զիփլայնը կապում է Արաբկիր վարչական շրջանը Աջափնյակի հետ՝ անցնելով Դավթաշենի կամրջի տակով, որի երկարությունը շուրջ **870** մ է:

Հիմնանորոգվել են 3 հասցեների՝ **150** քմ ընդհանուր մակերեսով հենապատեր



# ԲՆԱԿԱՐԱՆԱՅԻՆ ՖՈՆԴԻ ՊԱՇՊԱՆՈՒՄ


Բնակարանային ֆոնդի պահպանման ուղղությամբ 2017 թ. կատարվել են մուտքերի բարեկարգման, վթարային պատշգամբների ամրացման ու վերանորոգման և բնակֆոնդի բարելավմանն ուղղված այլ աշխատանքներ:

- ✓ Բարեկարգվել է **160** մուտք:
- ✓ Վերանորոգվել է **16276** քմ ընդհանուր մակերեսով տանիք, որից` **155** շենքերում` **9747** քմ` հարթ, **216** շենքերում` **6560** քմ` թեք:
- ✓ Ամրացվել է վթարային **38**, նորոգվել` **102** պատշգամբ:



Համատիրությունների հետ ամենօրյա համագործակցության շրջանակներում տրամադրված նյութերով համատիրությունները վերանորոգել են **1800** քմ թեք տանիք: Իրականացվել են **2246** գծմ ընդհանուր երկարությամբ ներքին ջրագծերի վերանորոգման աշխատանքներ` 191 բազմաբնակարանային շենքերում: Մասնակի նորոգվել են **95** վերելակներ:

## Վերանորոգված շքամուտքեր





# ԲԱԿԱՅԻՆ ՏԱՐԱԾՔՆԵՐԻ ԲԱՐԵԿԱՐԳՈՒՄ

2017 թ. Արաբկիր վարչական շրջանում իրականացվել են բակային տարածքների բարեկարգման, խաղահրապարակների կառուցման, մարզագույքով համալրելու և այլ տիպի աշխատանքներ:



- ✓ չիմնանորոգվել է **10** բակային տարածք:
- ✓ Նորոգման աշխատանքներ են իրականացվել **67** բակային տարածքներում, որոնցից **54**-ում կառուցվել են խաղահրապարակներ:
- ✓ Հանրային նշանակության բարեկարգ հատվածի է վերածվել ապօրինի հողազավթված **2000** քմ տարածք:
- ✓ **15** բակային տարածքներում իրականացվել են նկարագարողման աշխատանքներ՝ **1100** քմ մակերեսով: Նորոգվել են նստարաններ, աղբամաններ: Տեղադրվել է **9** գրուցարան և **72** մանկական խաղ:

Ստեղծված խաղահրապարակների քանակ



# ՍՈՑԻԱԼԱԿԱՆ ԱԶԱԿՑՈՒԹՅԱՆ ԾՐԱԳՐԵՐ

2017 թ. բնակչության խոցելի հատվածի համար իրականացվել են սոցիալական ծրագրեր:

- ✓ Կազմակերպվել է **346** ծնողների այցելություն ԼՂՀ-ում և ՀՀ սահմանամերձ գոտիներում ժամկետային զինծառայության մեջ գտնվող արաբկիրցի զինծառայողներին:
- ✓ «Էրեբունի-Երևան 2799» տոնակատարության սոցիալական բաղադրիչի շրջանակներում **286** ընտանիք նվեր է ստացել կենցաղային տեխնիկա:
- ✓ Սոցիալապես անապահով հարյուրավոր ընտանիքների տրվել է դրամական աջակցություն:
- ✓ Տարբեր բարեգործական ճաշարաններում սնվում են **306** արաբկիրցիներ:



# ՍՈՑԻԱԼԱԿԱՆ ԱԶԱԿՑՈՒԹՅԱՆ ԾՐԱԳՐԵՐ



- ✓ ՆԿ-ների, տեղական և միջազգային կազմակերպությունների հետ համագործակցությամբ տրամադրվել է.
- ✓ կարիքավոր տասնյակ ընտանիքների՝ դրամական աջակցություն,
- ✓ հաշմանդամ երեխաներին՝ անվասայլակներ, հագուստ, անհրաժեշտ պարագաներ, հոգեբանական աջակցություն,
- ✓ կարիքավոր ընտանիքների երեխա-ներին՝ դպրոցական պայուսակներ,
- ✓ սիրիահայ ընտանիքներին՝ բնակարանի վարձ և բուժօգնություն:
- ✓ Ֆինանսական աջակցություն է ցուցաբերվել Արաբկիր ԵԿՄ, Արաբկիրի Հաշմանդամների ընկերության, ՀՄՊ վետերանների խորհրդին, «Արշավիր և Պայծառ Աբրահամյաններ» բարեգործական ճաշարանին:
- ✓ Հանքավանի «Արագած» ճամբար մեկնող 100 երեխայի նվիրվել են մարզաշապիկներ, արևապաշտպան գլխարկներ, քաղցրավենիք և խաղեր:
- ✓ Սոցիալապես անապահով ընտանիքների 160 երեխայի հատկացվել է դպրոցական պայուսակներ, Ամանորի առթիվ 1200 ընտանիքի տրամադրվել են սննդի փաթեթներ և 3100 երեխայի՝ նվեր-փաթեթներ:

ՀՀ և ԼՂՀ սահմանամերձ գոտիներում ծառայող զինծառայողներին այցելած ծնողների թիվ



# ՄՇԱԿՈՒԹԱՅԻՆ ԾՐԱԳՐԵՐ

2017 թ. Արաբկիր վարչական շրջանում աշխույժ է եղել մշակութային կյանքը:

## Կենտրոններ հաճախող երեխաների թիվ.

- ✓ Կ. Սարաջյանի անվան երաժշտական դպրոց է հաճախում **509**, Ալ. Նեքիմյանի անվան երաժշտական դպրոց՝ **503** երեխա: Ն. 5 և Կ. 6 գրադարաններից օգտվում է **3365** ընթերցող:
- ✓ «Երևանյան ամառ-2017» գլխավոր միջոցառումը մեկնարկել է վարչական շրջանի Վ. Դավթյանի անվան զբոսայգում: Կազմակերպվել են ցուցահանդեսներ, համերգային շքեղ ծրագրեր:
- ✓ «Երևանյան ամառ-2017» ծրագրի շրջանակներում քանաքեռ ՆԷԿ, Փափագյան 21, Սունդուկյան 28, Ա. Ավետիսյան 74, 76 հասցեներում կազմակերպվել են 10-օրյա բակային ճամբարներ:
- ✓ Կազմակերպվել են միջոցառումներ՝ նվիրված պետական և ազգային տոներին, ինչպես նաև՝ տարաբնույթ թեմատիկ հանդեսներ, խաղեր և մրցույթներ:





2017 թ. զգալի աշխատանք է կատարվել նախադպրոցական հաստատությունների վերանորոգման, գույքային համալրման ուղղություններով:

## Նախադպրոցական հիմնարկների հիմնանորոգում.

- ✓ Նիմանորոգվել է Երևանի հ. 26 մանկապարտեզ ՀՈԱԿ-ը և համալրվել է անհրաժեշտ գույքով:

## Նախադպրոցական հիմնարկների համար գույքի ձեռքբերում.

- ✓ Ձեռք են բերվել զգեստապահարան, բազմահարկ մահճակալներ, մանկական աթոռներ, սեղաններ
- ✓ Կազմակերպվել են միջոցառումներ՝ նվիրված պետական և ազգային տոներին, ինչպես նաև տարաբնույթ հանդեսներ, խաղեր և մրցույթներ:

ԱՊՍՆՈՎԿԵԼ Է **2492** ԵՐԵՎԱՅԻ ԱՆՎՃԱՐ  
ՆԱԽԱԴՊՐՈՑԱԿԱՆ ՈՒՍՈՒՑՈՒՄԸ:



# ՍՊՈՐՏԱՅԻՆ ԾՐԱԳՐԵՐ

2017 թ. աշխույժ է եղել վարչական շրջանի սպորտային կյանքը, վարչական շրջանի մարզիկներն ու թիմերը մրցանակային առաջատար տեղեր են գրավել տարբեր նշանակության մրցաշարերում:

- ✓ Մենապայքարային մարզաձևերի մանկապատանեկան մարզադպրոց են հաճախում **158**, Արաբկիրի համալիր մարզաձևերի մանկապատանեկան մարզադպրոց **438**, Երևանի Ալ. Գրիգորյանի անվան սուսերամարտի մանկապատանեկան մարզադպրոց **202**, Արաբկիրի խաղային մարզաձևերի մանկապատանեկան մարզադպրոց **402**, Շախմատի մանկապատանեկան մարզադպրոց **230** սաներ:
- ✓ Արաբկիր վարչական շրջանի մարզիկներն ու թիմերը մրցանակային առաջատար տեղեր են նվաճել ինչպես վարչական շրջանի, այնպես էլ համաքաղաքային, հանրապետական ու միջազգային մրցաշարերում:
- ✓ Կազմակերպվել են շախմատի, հեծանվավազքի, ձյուդոյի, վոլեյբոլի, բազկամարտի մի շարք առաջնություններ, մրցաշարեր, մարզամշակութային միջոցառումներ, որոնցում Արաբկիր վարչական շրջանի սաները ունեցել են ակտիվ մասնակցություն:



# ՔԱՂԱՔԱՅԻՆ ԿԱՆԱԶԱՊԱՏՈՒՄ

2017 թ. Արաբկիր վարչական շրջանում զգալի աշխատանք է կատարվել կանաչապատման ուղղությամբ:

- ✔ Ստեղծվել և բարելավվել է **5930** քմ ընդհանուր մակերեսով կանաչ գոտի՝ Խաչատրյան 33, Բաբայան 36, Կասյան 7, Մամիկոնյանց 56 շենքերի բակային տարածքներում:
- ✔ Տնկվել է **137284** ծաղիկ, **2380** թուփ և **516** ծառ: Մշտապես բարեկարգվում և խնամվում է **53** հա կանաչապատ տարածք:
- ✔ Անցկացվել է **475** գծմ ոռոգման նոր ցանց: Վերանորոգվել են ոռոգման ցանցի վնասված՝ **1656** գծմ ընդհանուր երկարությամբ հատվածներ:





# ՀԱՄԱՏԵՂ ԱՇԽԱՏԱՆՔՆԵՐ «ՀԱՅԱՍՏԱՆԻ ԷԼԵԿՏՐԱԿԱՆ ՑԱՆՑԵՐ», «ՎԵՈՒԼԻԱ ԶՈՒՐ», «ԵՐԵՎԱՆ ԳԱԶ» ՓԲԸ-ՆԵՐԻ ՀԵՏ


2017 թ. զգալի աշխատանք է կատարվել ջրագծերի, կոյուղագծերի, գազիֆիկացման և էլեկտրաէներգիայի մատակարարման համակարգի նորոգման ուղղությամբ:



- ✓ Ջրամատակարարման համակարգի վերանորոգում` **3500** գծմ
- ✓ Կոյուղատար համակարգի վերանորոգում` **2850** գծմ
- ✓ Գազիֆիկացում` **1565** գծմ
- ✓ Էլեկտրաէներգիայի մատակարարման համակարգի նորոգում` **4856** գծմ
- ✓ Վերակառուցվել է **29** դիտահոր
- ✓ «ՀԵՑ» ՓԲԸ-ի կողմից բարելավման ներդրումային ծրագրով իրականացվել է **2880** գծմ հոսանքագծերի փոխարինում 10 հասցեներում:

## ԱՐՏԱՔԻՆ ԼՈՒՍԱՎՈՐՈՒԹՅԱՆ ՑԱՆՑԻ ԱՆՑԿԱՑՈՒՄ

2017 թ. Արաբկիր վարչական շրջանում շարունակվել են արտաքին լուսավորության ցանցի արդիականացման և ընդլայնման աշխատանքները:



Կառուցվել է **5180** գծմ երկարությամբ նոր ցանց՝ **202** լուսատուներով:

## ԱՐՏԱՔԻՆ ԿԱՊԵՐ

2017 թ. Արաբկիր վարչական շրջանն ակտիվ աշխատանք է իրականացրել միջազգային համագործակցությունն ամրապնդելու ուղղությամբ:

- ✓ Արաբկիր-Պլեսս Ռոբինսոն համագործակցության ու «Էրեբունի-Երեւան 2799» տոնակատարությունների շրջանակում Երեւան էր ժամանել Ֆրանսիայի Պլեսս Ռոբինսոնի քաղաքապետարանի պատվիրակությունը՝ փոխքաղաքապետ Կորին Մարկ Դյուլենյիի գլխավորությամբ: Այցի ընթացքում պատվիրակության կողմերն անդրադարձել են Արաբկիրի եւ Պլեսս Ռոբինսոն քաղաքների միջեւ հաստատված համագործակցությանը եւ քննարկել հետագա ծրագրերը:



- ✓ Սեպտեմբերին Երեւանի քաղաքապետ Տարոն Մարգարյանի գլխավորությամբ պաշտոնական պատվիրակությունն այցելել է Սանկտ Պետերբուրգ՝ հանդիպելու նահանգապետ Գեորգի Պոլտավչենկոյին: Հանդիպման ընթացքում քննարկվել են ծրագրերի իրականացման հետ կապված հիմնախնդիրները, ստորագրվել համագործակցության համաձայնագրեր տնտեսության կառավարման, սոցիալական, առողջապահական, մշակութային, կրթական, սպորտի եւ երիտասարդության հարցերի, զբոսաշրջության զարգացման, ինչպես նաեւ տնտեսական կապերի հաստատման եւ մի շարք այլ ուղղություններով:
- ✓ Արաբկիր-ԼՂՀ համագործակցության շրջանակում կազմակերպվել են այցելություններ գորամասեր: Արցախում վարչական շրջանի ղեկավարն այցելել է մարտական դիրքեր եւ առաջնագծում հանդիպել զինծառայողների հետ մարտական հերթապահության ժամանակ: ԼՂՀ Մարտունու շրջանի գորամասին ցուցաբերվել է տեխնիկական աջակցություն:







**Մենք  
հաշվետու ենք**  
մեր համաքաղաքացիներին

**ԹԵԺ ԳԻԾ՝**  
+(374 11) 518-188  
[arabkir@yerevan.am](mailto:arabkir@yerevan.am)

